

VERKLAAR DIE **Waarheid** IN 'N RELATIEWE WÊRELD

—deur Mark L. Y. Chan



Absolute Waarheid

Die wêreld het nog altyd baie verskillende gelowe en ideologieë gehuisves. Hierdie godsdienstige pluralisme is, a.g.v. globalisasie en migrasie tussen lande, baie duideliker in die Weste. Hierdie kleiner wordende wêreld bring aanhangers van verskillende gelowe nader aan mekaar. Ons ontmoet mense van ander rasse en leer meer van hulle kultuur en geloof deur televisie en die internet.

'n Oeroue werklikheid

Moskees, tempels en nie-Westerse restaurante weerspieël deesdae die diverse aard van baie Westerse gemeenskappe.

Dit is iets nuuts in die Weste, maar in Asië was diversiteit nog altyd aan die orde van die dag; feitlik alle belangrike wêreldgodsdienste het, en dit gebeur nog steeds, in Asië begin. In Afrika bestaan die Kerk, naas die tradisionele godsdiens, ook saam met Islam.

Die grootste meerderheid Christene skuur dus vandag skouers met mense van ander gelowe. In hierdie opsig is ons dus niks anders as die vroeë Christene, wat Jesus as Heer en Redder in die teenwoordigheid van vele ander gode in die Grieks-Romeinse wêreld van daardie tyd, verklaar het nie.

Verkondig Jesus Christus

Net soos die vroeë Kerk, word ons opgeroep om die waarheid dat God Hom-



self in en deur Jesus Christus openbaar het, te aanvaar en te verkondig. Deur Sy Dood en Opstanding kan sondaars vergifnis en versoening met God ervaar. Hoe verklaar ons dus in hierdie godsdienstige plurale en relatiewe samelewing met al die relatiewe waarhede en eise wat dit inhou, die finaliteit van Jesus Christus?

Christene moet leer om, ter wille van gemeenskaplikheid en sonder enige kompromie, met die aanhangers van verskillende gelowe saam te werk. Sommige is van mening dat godsdienstiges ter wille

Relativisme: 'n Teorie wat voorhou dat begrippe van waarheid en morele waardes nie absoluut is nie, maar onderhewig is aan die persoon se begrip daarvan.

van harmonie moet ophou om daarop aan te dring dat hulle die absolute waarheid beet het. Die uitdaging aan die moderne Kerk is om te demonstreer dat dit nie die geval is nie.

Pluralisme en relativering van die Waarheid

Sommige Christene het selfs opgehou om die uniekheid van Christus te verklaar en, in plaas daarvan, begin om hierdie pluralisme te aanvaar. Hoewel niemand die bestaan van hierdie veelvuldige samelewing kan ontken nie, het hierdie mense egter sover

gegaan om selfs die metafisiese pluraliteit te aanvaar. Dit behels dat hulle aanvaar dat alle geloofspaaie ewe geldig is en na God (of die goddelike werklikheid) lei.

Daar word dus ten gunste van Vedanta Hindoeïsme gepraat: 'Jesus is een van die vele paaie wat na uiteindelijke goddelike werklikheid lei; een openbaring van vele moontlike manifestasies van die goddelike.'

Hierdie skeiding van 'geestelikheid' van enige gegewe godsdiens, pas die post-moderniste soos 'n handskoene. Die groot kwelling vir Christene lê in hierdie

dekonstruktiewe aspek: die ongelooft o.v. die Absolute Waarheid, die verwerping van oorbruggende verhale wat betekenis aan die lewe gee en die relativering van waarheid. Hierdie dinge het reuse implikasies vir die Kerk en die pogings om die hele Evangelie aan die wêreld te verkondig.

Jesus is die vleesgeworde Waarheid

Post-moderniste is van mening dat ons nie toegang tot die absolute oorkoepelende waarheid het nie, al waaroor ons beskik, is waarhede – stories gekonstrueer vanuit ons gemeenskappe met geen eksterne waarheidsgeldigheid nie. Die waarheid is dus gekoppel aan stamme en nasies.

Omdat daar geen neutrale platform is waarvolgens hierdie kompeterende 'stories' beoordeel kan word nie, behoort ons »

VERKLAAR DIE Waarheid IN 'N RELATIEWE WÊRELD



die verskillende menings, wat almal na opperheerskappy en aanvaarding streef, te aanvaar. Die waarheid is die mening/siening wat hierdie 'kompetisie' wen. Die waarheid word deur krag, en diegene wat die absolute waarheid as die blote afdwing van hulle eie wil op ander sien, gedefinieer.

dienstige gesagstrukture en verklarings. Vir hulle is die stelling 'Jesus is die Vleesgeworde Waarheid' 'n front vir koloniale imperialisme, kulturele chauvinisme of godsdienstige onverdraagsaamheid.

Vae, persoonlike menings

Hierdie selfde agterdog is van toepassing op moraliteit – kategorieë van 'reg' en

miese pragmatisme spreek die laaste woord: Wat is bruikbaar? Wat is die beste vir die mens se behoeftes? Wat vervul sy of haar aspirasies die beste?

Sulke individualisme is ironies gegewe die post-moderne klem op die gemeenskap. Agterdog teenoor gesag en sonder enige deursigtige standaard as gids, val die individu terug op eie gesag. Die waarheid word nie aan 'n nasie of kultuur gekoppel nie, maar aan die individu. En die situasie het 'n invloed op hoe geestelikheid deesdae verstaan word.

Dit het verder tot gevolg dat pluralistiese siening van die geestelike werklikheid soos geestelikheid sonder geïnstitusioneerde godsdiens kan voel.

'n Christen se reaksie

Christene is deesdae vry om godsdienslike idees wat hulle eie geestelikheid pas, te kies. En hierdie vryheid is aantreklik. Die alternatief, so word gesê, is om naïef, arrogant en disrespekvol teenoor ander kulture en gelowe te wees.

Daar word aan ons vertel dat absolute sienings slegs spanning tussen die verskillende gelowe verhoog, konflik tussen gemeenskappe vererger en, in sommige gevalle, selfs geweld aanblaas. Om verdere polarisering van ons gefragmenteerde wêreld te vermy, behoort ons 'n plurale benadering t.o.v. die waarheid te volg.

Wat verstaan ons onder die kritiek en eise? Hoe sal ons die Waarheid van die Evangelie vandag aan ander aanbeveel?

Aanbeveling van die Waarheid

Deur die Waarheid te ken, beteken nie arrogante onverdraagsaamheid nie. Dit beteken om oortuiging met neerbuigendheid te verwar, of rasonele verdeeldheid met onaanvaarbare gedrag. Wanneer relativiste daarop aandring dat daar nie so iets soos 'n algehele waarheid is nie, sien hulle dié uitspraak as 'n universele waarheid!

belangriker om die persoon vir Christus te wen as om as wenner van die argument uit die stryd te tree.

Hoe om die waarheid oor te dra 'n Wêreldwye ekonomiese afswaai of 'n

oortuig word van die verskil tussen Moeder Teresa en Pol Pot? Selfs wanneer mense God se Waarheid ontken, sal dit bly voortbestaan omdat dit duidelik en oortuigend is: dit is opreg. Hierdie herkenning is deel van God se algemene Genade.

In ons relatiewe klimaat is dit so maklik vir die Kerk om vertroue in die Evangelie as die 'Krag van God se Redding' te verloor en Christus nie meer as die enigste Weg en Waarheid en Lewe te verklaar nie. Om hierteen te waak, behoort Christene baie duidelik in die Waarheid van Sy Woord gegrond te wees. Die werk begin dus reeds tuis – in die lewe, aanbidding en dissipelskap van ons evangeliese kerke.

Glo jy die teenoorgestelde?

Om in 'n Absolute Waarheid te glo, is om absoluut die teenoorgestelde as hierdie wêreld te glo. Ons kan spot en vernedering verwag. Ons moet egter net onthou dat die Een wat die Vleesgeworde Waarheid was, die Gekruisigde Waarheid geword het aan die hand van diegene wat voorgegee het dat hulle die waarheid en kennis in pag het.

Donkerte het egter nie die laaste woord gespreek nie. Lig het die donkerte van Jesus se graf deurdring en met die Opstanding tree die Waarheid as uiteindelijke Oorwinnaar uit! ■

MARK CHAN is verbonde aan die Teologiese Kollege in Singapoer. Meer inligting www.ttc.edu.sg

Christene word opgeroep om eerder lief te hê as om bloot net te verdra, en sodoende God se liefde vir almal, ook vir relativiste, pluraliste en ateïste, te weerspieël.

